

**ACTA DA SESIÓN ORDINARIA DO PLENO DA CORPORACIÓN DO CONCELLO DE FORCAREI
CELEBRADA O DÍA 16 DE XUÑO DE 2016.**

ASISTENTES	
	GRUPO POLÍTICO
ALCALDESA:	
D ^a Belén Cachafeiro Anta.	PP
CONCELLEIROS:	
D. Ricardo Villaverde Iglesias.	PP
D. Vicente Búa Martínez.	PP
D ^a María Jesús Sineiro Vidal.	PP
D. Alejo Vidal Moreno.	PP
D. José Francisco Bouzas Vázquez	PP
D ^a Ana Isabel Doval Fraiz.	PS de G -PSOE
D ^a María Abilleira Pomar.	F.F
D. Roberto Jorge Correa.	BNG
Falta previa excusa:	
D. Miguel Pereira Fernández	PS de G -PSOE
D. José Manuel Alvarez Sanmartín	PS de G -PSOE
SECRETARIA:	
D ^a . M ^a Elena Sueiro Fernandez	

En Forcarei a 16 de xuño de 2016, xoves, sendo as doce horas e cinco minutos no Salón de Plenos da Casa Consistorial, previa convocatoria para o efecto, reúnense, en primeira e pública convocatoria, os señores concelleiros que se relacionan na marxe, co obxecto de celebrar sesión ordinaria do Pleno da Corporación do Concello de Forcarei.

A tódolos asistentes entregóuselles copia da orde do día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente.

Estando presente o quórum necesario, pola Sra. Presidenta declárase validamente constituída a sesión.

Pásase a continuación a trata-los seguintes asuntos incluídos na orde do día:

1.- LECTURA E APROBACIÓN, SE PROCEDE, DAS ACTAS DAS SESIÓNS ANTERIORES DE DATAS 21/04/2016, 04/05/2016, 19/05/2016 e 30/05/2016.

A Sra. Alcaldesa da conta dos borradores das acta correspondentes ás datas sinaladas na orde do día, preguntando se algún membro da Corporación desexa formular observacións ou rectificacións ás mesmas.

Sometida a votación, son aprobadas, por unanimidade de membros presentes, as seguintes actas: actas da sesión do pleno da corporación de data 21 de abril de 2016, 4 de maio de 2016, 19 de maio de 2016 e 30 de maio de 2016.

2.- DACION DE CONTA RESOLUCIÓNS E DECRETOS DE ALCALDÍA.

Pola Presidencia enténdese dada conta destas resolucións que, xunto coa súa relación, estiveron a disposición dos Sres. Concelleiros dende a convocatoria da sesión, correspondentes ós meses de marzo, abril e maio de 2016, quedando enterada a Corporación Municipal.

3.- DACION DE CONTA DAS ACTAS DA XGL.



Dáse conta das actas da Xunta de Goberno Local seguintes, quedando enterada a Corporación Municipal:

Nº ACTA	DATA
8/16	07/04/16
9/16	21/04/16
10/16	11/05/16
11/16	19/05/16

4.- DACION DE CONTA DO ENVÍO DE INFORMES AO MINHAP

Pola Secretaria Interventora da Corporación dáse conta do envío en tempo e forma dos seguintes ficheiros ó MINHAP:

- Envío con data 27/04/2016 do PMP 1º Trimestre, de conformidade co artigo 4.1b da Orde HAP/2015/2012 de 1 de outubro, pola que se desenvolven as obrigas de subministro de información previstas na LO 2/2012 de 27 de abril, de Estabilidade Orzamentaria e Sostenibilidade Financeira e de conformidade co establecido na DT única do RD 635/2014 de 25 de xullo, polo que se desenvolve a metodoloxía de cálculo do período medio de pago a provedores das administracións públicas, e as condicións e o procedemento de retención de recursos dos réximes de financiamento, previstos na LO 2/2012 de 27 de abril de estabilidade orzamentaria e sostenibilidade financeira.
- Envío execucións trimestrais orzamento 1º trimestre, con data 27/04/2016.

5.- MOCIÓN.

Non se presenta ningunha.


6.-ROGOS E PREGUNTAS

A Voceira do PSOE, Dª Ana Doval Fraíz, fai os seguintes:

- ¿Por qué aparecen facturas reparadas do alumeadado público? ¿Por qué aínda non se redactaron os pregos?.
- ROGA que en canto sexa posible se adecente a fonte de Soutelo de Arriba que se usa moito polos veciños.
- Solicita unha explicación de porqué non se prestou colaboración para o Festival "De Monte Sound", xa que vaise celebrar en Cerdedo porque non había instalacións dispoñibles en Forcarei.

A Sra. Alcadesa indica respecto da primeira pregunta que xa deu unha orde de proceder á redacción dos pregos da contratación do servizo de alumeados públicos .

Respecto do Festival "De Monte Sound" indica que non houbo contacto co equipo de goberno. Dna Ana Doval resposta que é falso, que hai un escrito de solicitude dun recinto público. A Sra. Alcadesa aclara que é certo que se presentou en febreiro unha solicitude por escrito, pero que ela non tivo contacto nin ningunha reunión cos solicitantes; sabe que se solicitou o campo de fútbol municipal de Forcarei para o festival en febreiro, e que se lles requiriu polos técnicos documentación para proceder á cesión do uso, pero que non presentaron o que se lles solicitou, porque con conversas co técnico se viu que o recinto



non cumpría cos requisitos que necesitaban para a celebración do festival. Tamén houbo contactos con un concelleiro que lles deu varias posibilidades: Aciveiro, ou que buscasen unha finca aberta, e sabe tamén que houbo contactos para realizalo no recinto do colexio. Engade a Sra. Alcaldesa que se enterou a semana pasada pola prensa de que non se ía realizar o festival en Forcarei, senón en Cerdedo. Dña. Ana Doval contesta que que a Asociación fixo unha solicitude por escrito e presentou unha memoria, pero que se ve que non hai vontade política de colaborar cando o concello podía ca pala axudar no campo de fútbol para que cumprira os requisitos esixidos, igual que se fai colaborando cas festas parroquiais. Continúa dicindo que o concello de Cerdedo faille o valado e o acceso ó recinto e colaboran dende o concello, non é unha cuestión técnica, senón de vontade política. Sinala que teñen constancia que en Forcarei colaboran co sector privado, cousa que lles parece ben, pero para todos por igual, polo que todo se reduce a unha cuestión de vontade política. A Sra. Alcaldesa sinala que vontade había, pero que non se cumprían os requisitos técnicos, sendo que a Asociación nunca foi falar persoalmente ca Alcaldía, senón ca técnico, polo que entende que aquí non se pode falar de pouca colaboración, senón dunha cuestión política, como se ve tamén no que escribe o concelleiro do BNG nas redes sociais, porque a día de hoxe aínda non hai comunicación ó Concello de Forcarei de que o festival non se vai realizar aquí. Toma a palabra D. Vicente Búa Martínez, concelleiro do PP, sinalando que a actividade da asociación é a mesma aquí que en Cerdedo, e pregunta porque non se fixo aquí en terreos abertos como en Cerdedo, e preguntalle a Dña. Ana Doval como sabe que o concello de Cerdedo lles aporta á Asociación colaboración e valados, e si esa información déronlla os técnicos ou o Alcalde, xa que a diferenza é claramente política. Dña. Ana Doval indica que a Asociación foi a Cerdedo ca mesma solicitude que fixo a Forcarei, ca diferenza que Cerdedo ten vontade política de axudar, xa que buscou recintos, i en Forcarei o concelleiro D. Vicente Búa lles dixo que tiñan que asumir o custo da obra no campo de fútbol.

(Neste momento D. Roberto Jorge Correa, concelleiro do BNG quere contestar por alusións, e a Sra. Alcaldesa denégalle o uso da palabra, e todos se poñen a debater acaloradamente si pode replicar por alusións ou non).

A Sra. Alcaldesa concede a palabra a Dña. María Abilleira Pomar, concelleira de FF, e acto seguido pasa a palabra a D. Alejo Vidal Moreno, concelleiro do PP, que desexa formular un rogo. Dña. María Abilleira indica que ela aínda non fixo uso da súa quenda de intervención, que estaba a esperar a que parasen todos de falar, e que claro que quere usar a súa quenda de intervención, pero non lle deixan. A Sra. Alcaldesa contesta que cando lle preguntou si tiña algunha pregunta ela non contestou, e que por eso pasou o turno.

D. Alejo Vidal Moreno, concelleiro do PP, roga que nos plenos se fale e se actúe cun pouco de respecto.

D. Roberto Jorge Correa, concelleiro do BNG está de acordo.

A Sra Alcaldesa concede a palabra a Dña. María Abilleira Pomar, concelleira de FF, que realiza as seguintes preguntas:

- ¿A que se debe o cambio de empresa subministradora de gasoil?. Non consta que se fixese un novo contrato. A Sra. Alcaldesa resposta que sempre que se solicita gasoil para os depósitos do concello pídense ofertas a tres empresas para elixir a máis económica.

- ¿Quen é o encargado do circuíto da Magdalena? ¿Cal é a relación laboral que ten co Concello? ¿Está designado pola Alcaldía? ¿Pódese usar a CPV? . A Sra. Alcaldesa contesta que no seu momento as cousas fixéronse así, e que a finais de ano pensan facer a licitación. Dña. María Abilleira sinala que ela non preguntou polo bar, só polo encargado de abrir e pechar e da CPV.

D. Roberto Jorge Correa, concelleiro do BNG, pregunta por un acordo de Xunta de Goberno Local polo que se denega unha licenza de primeira ocupación dunha vivenda, e pregunta cal é o motivo, xa que se trata duna obra con licenza, e con modificacións aprobadas polo concello e incluso con convenio de



cesión. A Sra. Alcaldesa indica que iso é unha petición de información que se debería facer con vista de expediente e non nun pleno con prensa; indica que o concello está a cumprir ca legalidade, con moita pena, e que non se trata dun asunto para falar á lixeira, porque non lle fai ningún favor. Indícalle que ten o expediente á súa disposición no concello. D. Roberto Jorge continúa preguntando como alguén pode estar logo empadroadado nesa vivenda no ano 2013. A Sra. Alcaldesa indica que no momento de facer os empadroamentos non comprobaban si hai licenza de primeira ocupación, que non denegan as solicitudes (neste punto abren un debate acalorado sobre o tema).

Cambiando de tema, D. Roberto Jorge Correa, concelleiro do BNG, indica que está de acordo cas subvencións que se outorga á Fundación Galicia Verde, pero lle preocupa que despois teñan que levar todos os proxectos da fundación a concellos limítrofes. Tamén lle parece moi ben que se conceda unha subvención á Fundación Ceo, pero parécelle que hai outras entidades que non reciben un duro e queren reclamar do concello que fagan un baremo para que todas as subvencións sexan en libre concorrència.

Pregunta tamén pola contratación do Servizo de Axuda no Fogar, ¿cantas empresas se presentaron? ¿presentáronse os mesmos? ¿van subrogar ós traballadores?.

A Sra. Alcaldesa comenza respostando que en canto á subvencións estas xa foron aprobadas no pleno dos orzamentos en decembro, polo que este non é o momento para vir con esas pretensións.

D. Roberto Jorge Correa, concelleiro do BNG di que non tolera máis faltas de respecto e se levanta da mesa abandonando o pleno.

E non tendo outros asuntos que tratar a Sra. Alcaldesa-Presidenta da Corporación, levanta a sesión, sendo as doce horas e cuarenta e tres minutos, co que se da por rematado o acto, estendéndose a presente acta que asina a Sra. Alcaldesa-Presidente, comigo Secretaria, de todo o canto eu, dou fe.

Vtº e Prº

A Alcaldesa,



Asdo: Belén Cachafeiro Antón

A Secretaria,



Asdo: Mª Elena Suevo Fernández